

四庫全書

集部

欽定四庫全書

集部

歲時雜詠卷一至四

詳校官無吉士臣柳邁祖

助教臣常循覆勘

總校官中書臣朱鈐

校對官典簿臣郭祚熾

謄錄監生臣劉能

謄錄監生臣鄧友標

欽定四庫全書

集部八

歲時雜詠

總集類

提要

臣等謹案歲時雜詠四十六卷宋眉山蒲積
中編初宋綬有歲時雜詠二十卷見郡齋讀
書志晁公武謂宣獻昔在中書第三閣手編
古詩及魏晉迄唐人歲時章什釐為十八卷
今益為二十卷而此書前有紹興丁卯積中

自序稱宣獻所集允稱廣博然本朝如歐陽
蘇黃與夫半山宛陵文潛無已之流逢時感
慨發為辭章不在古人下因取其卷目而擇
今代之詩附之名曰古今歲時雜詠鋟板以
傳蓋積中特因綬原本增入宋人之詩而目
類則一仍其舊惟晁公武載綬原本詩一千
五百六首而此本二千七百四十九首比綬
所錄增多一千二百四十三首而卷數則廣

至倍而有羸疑其於舊卷次第亦畧有所分
析也其書自一卷至四十二卷為元日至除
夜二十八日其後四卷則凡祇題月令而無
節序之詩皆附焉古來時令之詩摘錄編類
莫備于此亦頗可以資採掇云乾隆四十二
年七月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

歲時雜詠卷一

宋 蒲積中 編

元日

元會

曹植

初歲元祚吉日惟良乃為嘉會宴此高堂衣裳鮮潔黼黻玄黃珍膳雜還充溢圓方俯視文軒仰瞻華梁願保茲善千載為常歡笑盡娛樂哉未央皇室榮貴壽考無疆

會王公上壽酒

荀勗

踐元辰延顯融獻羽觴祈令終

正旦大會禮樂歌詩

張華

於皇元首羣生資始履端大亨敬仰羅祉歸覲羣后致
茲卿士欽若時則允也天子

元正

辛氏

元正啓令節嘉慶肇自茲咸奏萬年觴小大同悅熙

和元日雪花應詔

謝莊

從候昭神世息燧應頌道玄化盡天祕凝功畢地寶笙
鏞流七始玉帛承三造委霰下璇璣疊雪飛瓊藻積曙
境寓明聯萼千里杲掩映順雲懸搖裔從風掃發貺燭
檻前騰瑞光圖表澤厚見身末恩踰悟生眇竦誠岱駕
肅側志梁鑾矯

正旦蒙賚酒

庾信

正旦辟惡酒新年長命杯栢葉隨銘至椒花逐頌來流
星向枕落浮蟻對春開成都已救火蜀使何時迴

同平南弟元日思歸

陳後主

至德掩羲皇成功邁禹湯儀刑光四海來庭盛萬方鳴
玉觀升降擊石乃鏗鏘三春氣色早九疑烟霧長浮雲
斷更續輕花落復香北宮瞻遠岫南服阻遙江爾言想
伊洛我思屬瀟湘

獻歲讌宮臣

隋煬帝

三元建上京六佾宴吳城朱庭容衛肅青天春氣明朝
元動劒彩長階分佩聲酒闌鐘聲息欣觀禮樂成

奉和獻歲讌宮臣

虞世南

履端初啟節長苑命高筵肆夏喧金奏重潤響朱絃春
光催柳色日彩泛槐煙微臣同濫吹謬得仰鈞天

奉和元日

蕭慤

帝宮通夕燎天門拂曙開瑞雲生寶鼎榮光上露臺華
山不凋葉宜城萬壽杯遙見飛鳧下懸知鄴縣來

初年

陳叔達

和風起天路嚴氣銷冰井索索枝未柔厭厭漏猶永

和從叔光祿惜元日早朝

李元操

銅渾變秋節玉律動年灰
曖曖城霞旦隱隱禁門開
衆靈湊仙府百神朝帝臺
葉令雙鳧至梁王駟馬來
戈鋌映林闕歌管沸塵埃
保章望瑞氣尚書滅火災
冠冕多秀士簪裾饒上才
誰憐張仲蔚日莫返蒿萊

奉和正旦臨朝

岑文本

時雍表昌運日正叶靈符
德兼三代禮功包四海圖
踰沙分在列執玉儼相趨
清蹕喧輦道張樂駭天衢
拂蜺

九旗映儀鳳八音殊佳氣浮仙掌薰風繞帝梧天文光
七政皇恩被九區方陪瘞玉禮珥筆岱山隅

又

魏徵

百靈侍軒后萬國會塗山豈如今睿哲邁古獨光前聲
教溢四海朝宗引百川鏘洋鳴玉佩灼爍耀金蟬淑景
輝雕輦高旌揚翠烟庭實超王會廣樂盛鈞天既欣東
戶日復詠南風篇願奉光華慶從斯萬億年

又

顏師古

金匱要略卷一
七政璿衡始三元寶厯新負宸延百辟垂旒御九賓肅
肅皆鵷鷺濟濟盛簪紳天涯重致譯日域獻奇珍

元日

太宗

高軒暖春色邃閣媚朝光彤庭飛彩旄翠幌曜明璫恭
已臨四極垂衣馭八荒霜戟列丹陛絲竹韻長廊穆矣
薰風茂康哉帝道昌繼文遵後軌循古鑒前王草秀故
春色梅艷昔年妝巨川思欲濟終以寄舟航

奉和元日

許敬宗

天正開初節日觀上重輪百靈滋景祚萬士慶維新待
旦敷玄造韜旒御紫宸武帳臨光宅文衛象鈞陳廣庭
揚九奏大帛麗三辰發生同化育播物體陶鈞霜空澄
曉氣霞景瑩芳春德暉覃率土相賀奉還淳

元日述懷

盧照隣

筮仕無中秩歸耕有外臣人歌小歲酒花發大唐春草
色薰三徑風光動四隣願得常如此年年物候新

奉和元日賜羣臣栢葉

趙彥昭

器乏雕梁器材非構厦材但將千歲葉常奉萬年杯

又

李又

勁節凌霜勁芳心待歲方能令益人壽非止麝含香

又

武平一

綠葉迎春綠寒枝歷歲寒願持栢葉壽長奉萬年歡

幽州元日

張說

今歲元日樂不謝去年春知向來心道誰為昨夜人

元日

杜甫

近聞韋氏妹迎在漢鍾離郎伯殊方鎮京華舊國移春
城迴北斗郢樹發南枝不見朝正使啼痕滿面垂

元日示宗文宗武

汝啼吾手戰吾笑汝身長處處逢正月迢迢滯遠方飄
零還柏酒衰病只藜牀訓諭青衿子名慙白首郎賦詩
猶落筆獻壽又稱觴不見江東弟高歌淚數行

太歲日

楚岸行將老巫山坐復春病多猶是客謀拙竟何人閭

闔開黃道衣冠拜紫宸
榮光懸日月賜與出金銀
愁寂鵷行斷參差虎穴隣
西江元下蜀北斗故臨秦
散地逾高枕生涯脫要津
天邊梅柳樹相見幾回新

樂成歲日贈孟浩然

張子容

土地窮甌越風光肇建寅
插桃銷瘴癘移竹近階墀
半是吳風俗仍為楚歲時
更逢習鑿齒言在漢川湄

元日無衣冠入朝寄皇甫拾遺

李嘉祐

伏奏隨廉使周行外允負白頭空受歲丹陛不朝天秉
燭千官去垂簾一室眠羨君青瑣裏並冕入爐烟

歲日見新厯因寄都官裴郎中

劉長卿

青陽振蟄初頒厯白首銜冤欲問天絳老更能經幾歲
賈生何事又三年愁占蓍草終難決病對椒花倍自憐
若道平分四時氣南枝為底發春偏

歲日作

建寅迴北斗看歷硯東風律變滄江外年加白髮中春
衣試稚子壽酒勸悲翁今日陽和發榮枯豈不同

歲日口號

顧況

不覺老將春共至更悲攜手幾人全還丹寂寞看明鏡
手把屠蘇讓少年

又

包佶

更勞今日春風至枯樹無枝可寄花覽鏡唯看飄亂髮
臨流誰為駐浮槎

元日觀百僚朝會

萬國賀唐堯清晨會百僚華簪蕭相府繡服霍嫖姚春
色凝雙檻歡聲徹九霄御爐分獸炭仙管奏雲韶日照
金觴動風吹玉佩搖都城獻賦者不得共趨朝

元日望含元殿御扇開合

大曆十三年吏部試

張 莒

萬國來初歲千年覩聖君輦迎仙仗出扇匝御香焚俯
對朝容近先知曙色分冕旒開處見鐘磬合時聞影動

承朝日花攢似慶雲蒲葵那可比徒用隔炎氛

和耿拾遺元日早朝

司空曙

元朔爭朝闕奔流若會溟路塵和薄霧騎火接低星漏
促雙魚鑰車喧百子鈴冕旒當翠殿幄戟滿彤庭表歲
方編瑞乘春即省刑諸侯陳禹玉司厯獻堯莫壽酒三
觴退簫韶九奏停太陽開物象沛澤及生靈南陌祥光
紫東方曉氣青自憐揚子賤歸草太玄經

酬衛長林歲日見呈

地暖雪花催天春斗柄迴朱泥一丸藥柏葉萬年杯旅
雁辭人去繁霜滿鏡來今朝彩盤上神燕不須雷

元日早朝

耿 漳

九陌朝臣滿三朝候鼓賒遠珂時接韻積炬偶成花紫
貝為高闕黃龍建大牙參差萬戟合左右八貂斜羽扇
紛朱檻金鑪隔翠華微風傳曙漏曉日上春霞環佩聲
重疊蠻夷服等差樂和天易感山固壽無涯渥澤千年
聖車書四海家盛明多在位誰得守蓬麻

元日退朝觀軍使歸營

德宗

獻歲視元朔萬方咸在庭端旒揖羣后迴輦閱師貞綵
仗宿華殿退朝歸禁營分行左右出轉旆風雲生歷歷
趨複道容容暎層城勇餘矜捷技令肅無喧聲眷此戎
旅節載嘉良士誠順時頒宴賞亦以助文經

元日早朝

楊巨源

北極長尊仰聖時周家何用問元龜天顏入曙千官喜
日色迎春萬物知閭闔迴臨黃道正衣裳高對碧山垂

微臣願祝堯天壽壽酒年年太液池

元日含章殿下仗丹鳳樓下宣赦上相公

二首

天垂台耀掃攬槍壽獻香山祝聖明丹鳳闕前歌九奏
金雞竿下鼓千聲衣裳南面薰風動斗柄東方喜氣生
從此登封資廟略兩河連海一時清

臨軒啟扇似雲收率土朝天劇水流瑞色含春當正殿
香烟捧日在高樓三朝氣早迎恩澤萬歲聲長繞冕旒
請問漢家功第一麒麟閣上識鄼侯

元日呈李逢吉舍人

華夷文物賀新年
霜仗遙排鳳闕前
一片綵霞迎曙日
萬條紅燭動春天
稱觴山色和元氣
端冕鑪香疊瑞煙
共說正初多聖澤
試過西掖問羣賢

和竇中丞歲酒喜見小男兩歲

熊孺登

更添十歲應為相
歲酒從今把未休
聞得一毛還五色
眼看相逐鳳池頭

歲日感懷

李約

曙氣變東風蟾宮夜漏窮
新春幾人老舊歷四時空
身賤悲添歲家貧喜過冬
稱觴唯有感歡慶在兒童

元日早朝

王建

大國禮樂備萬邦
朝元正東方色未動冠劍門已盈
帝居在蓬萊肅肅鐘漏清
將軍領羽林持戟巡宮城
翠華皆宿陳雪仗羅天兵
庭燎遠煌煌旗上日月明
聖人龍火衣寢殿開璇局
龍樓橫紫烟宮女天中行
六蕃陪位

次衣服各異形舉頭看玉牌不識宮殿名左右翟扇開
蹈舞欣滿庭朝服帶金玉珊珊相觸聲泰階備雅樂九
奏鸞鳳鳴徘徊慶雲中竽磬寒鈔鈔三公再獻壽上帝
錫永貞天明告四方羣后保太平

元日陪早朝

斗柄東迴歲又新
邃旒南向揖來賓
和光髻髻樓臺曉
瑞氣氤氲天地春
儀籥不唯丹穴鳥
稱觴半是越裳人
江臯腐草今何幸
亦與恒星拱北辰

獻歲送李十兄赴黔中酒後絕句

權德輿

一樽歲酒且留歡三峽黔江去路難志士感恩無遠近
異時應戴惠文冠

和張祕監獻歲遇蔣大拾遺因呈兩省諸公

二賢同載筆久次入新年焚草掩輕袂藏書厭舊編竹
風晴翠動松雪瑞光鮮慶賜行春令從今佇九遷

甲子歲元日呈鄭侍御明府

金定四庫全書 卷一
萬里烟塵合秦吳遂渺然無人來上國洒淚向新年世
故看風葉生涯寄海田屠蘇聊一醉猶賴主人賢

元日喜聞大禮寄四學士六舍人

竇牟

有事郊壇畢無私日月臨歲華春更早天瑞雪猶深玉
輦迴時令金門降德音翰飛鵷列侶叢植桂為林粉澤
資鴻筆薰和本素琴禮成戎器下恩徹鬼方沈麟爵來
稱紀官師退絕箴道風黃閣靜祥景紫垣陰壽酒朝時

獻農書夜直尋國香煨翠幄庭燎赭紅衾漢魏文章盛
堯湯雨露湛容辭投水石精義出砂金宸扆親唯敬鈞
衡近匪侵疾駟千里駿清唳九霄禽慶賜迎新服齋莊
棄舊簪忽思班女怨遙聽越人吟末路甘貧病流年苦
滯淫夢中青瑣闥歸處碧山岑竊忤聞韶濩觀光想韎
任大哉寰海宴不竿子牟心

元日酬蔡州馬尚書去年元日見寄

韓愈

元日新詩已去年蔡州遙寄荷相憐今朝縱有誰人領
自是三峰不敢眠

歲日

元稹

一日今年始一年前事空淒涼百年事應與一年同

歲日贈拒非

君思曲水嗟身老我望通州感道窮同入新年兩行淚
白頭閒坐說城中

酬復言元日郡齋感懷見寄

臘盡雪銷春又歸，逢新送故欲沾衣。
自驚身上添年紀，休較心中小是非。
富貴祝來何所遂，聰明鞭得轉無機。
祝富貴鞭聰明皆正旦童稚俗法羞看稚子先拈酒，
悵望平生舊採薇。

去日漸加餘日少，賀人雖鬧故人稀。
椒花麗句重開檢，艾髮衰容惜寸輝。
苦思正朝酬白雪，閒觀風色動青旂。
千官仗下鑪烟裏，東海西頭意獨違。

元日感懷

劉禹錫

振蟄春潛至，湘南人未歸。
身加一日長，心覺去年非。
燎

火委虛燼兒童銜綵衣吳鄉無舊識車馬到門稀

蘇州元日郡齋感懷寄越州元相公杭州白舍

人

李諒

稱慶還鄉郡吏歸端憂明發儼朝衣首開三百六旬日
新知四十九年非當官補拙猶勤慮游宦量才已息機
舉族共資隨月俸一身惟憶故山薇舊交邂逅封疆近
老牧蕭條宴賞稀書札每來同笑語篇章時到借光輝
絲綸暫厭分符竹舟楫初登擁羽旂未知今日情何似

應與幽人事有違

歲假內命酒贈周判官蕭協律

白居易

共知欲老流年急且喜新正假日頻聞健此時相勸醉
偷閒何處共尋春脚隨周叟行猶疾頭比蕭翁白未勻
歲酒先拈辭不得被君推作少年人

蘇州李中丞以元日郡齋感懷寄微之及予輒
依來篇走筆奉答兼呈微之

白首餘杭白太守落拓拋名來已久一醉渭北故園春
再把江南新歲酒杯前笑歌徒勉強鏡裏形容漸衰朽
領郡慙當潦倒年鄰州喜得平生友長洲草接松江岼
曲水花連鏡湖口老去還能痛飲無春來曾作閒游否
憑鶯傳語與李六倩雁將書寄元九莫嗟一日日催人
且貴一年年入手

歲日家宴戲示弟姪等兼呈張侍御殷判官

弟妹妻孥小姪甥嬌癡弄我助歡情歲盡後堆藍尾酒

春盤先勸膠牙餠形骸潦倒雖堪歎骨肉團圓亦可榮
猶有誇張少年處笑呼張丈喚殷兄

元日對酒

五首

慶弔經過懶逢迎拜跪遲不因時節日豈覺此身衰
衆老憂添歲余衰喜入春年開第七秩屈指幾多人
三杯藍尾酒一碟膠牙餠除却崔常侍無人共我爭
今朝吳與洛相對一忻然夢得君知否俱過本命年

余與

蘇州劉郎中同壬子歲今年六十一

同歲崔何在同年杜又無余與吏部崔相公甲子同歲與循州杜相公及第同年秋

二人俱逝應無藏避處只有且歡娛

元日樂天見過因舉酒為賀 劉禹錫

漸入有年數喜逢新歲來辰方天籟動寅位帝車迴門
巷掃殘雪林園驚早梅與君同甲子壽酒讓先杯

元日贈夢得二篇彼此不相知暗合詞意 白居易

暮齒忽將及同心私自憐漸衰宜減食已老喜加年紫
綬行聯袂藍輿出比肩與君同甲子歲酒合誰先

元日早朝行

鮑防

乾元發生春為宗盛德在木斗建東東方歲星大明宮
南山喜氣搖晴空望雲五等舞萬玉獻壽一聲出千峰
文昌垂彩禮樂正太平下直旌旗紅師曠應律調黃鐘
王良運策調時龍玄冥無事歸朔土青帝故身入朱宮
九韶九變五聲裏四方友一身中天何言哉樂無窮
廣成彭祖為三公野臣潛隨擊壤老日下鼓腹歌可封

元日觀郭將軍早朝

靈澈

欲曙九衢人更多千條香燭照星河今朝始見金吾貴
車馬縱橫避玉珂

獻歲書情

裴夷直

白髮添雙鬢空宮又一年音書鴻不到夢寐兔空懸地
遠星辰側天高雨露偏聖朝知有感雲海漫相連

歲日先把屠蘇酒戲酬唐仁烈

自知年紀偏應少先把屠蘇不讓春儻更數年逢此日
還應惆悵羨他人

元日觀仗 二首

薛逢

千門曙色鎖寒梅
午夜疎鐘曉箭催
寶馬占隄朝闕去
香車爭路進名來
天臨玉几班初合
日照金雞仗欲迴
更傍紫微瞻北斗
上林佳氣滿樓臺

紫掖晴來宮殿高
萬方瞻拜赤霜袍
闕中王氣浮雙闕
海外歡聲抃九鰲
晨箭莫催青瑣漏
壽宮方獻碧花桃
香烟不動龍顏悅
初日輝輝上綵旄

元日田家

南村晴雪北村梅樹裏茅簷曉盡開蠻槥出門兒婦去
烏龍迎路女郎來相逢但祝新正壽對酒那愁莫景催
長笑士林因宦別一官輕是十年迴

元日觀仗

瞳瞳初日照樓臺漠漠祥烟雉扇開星駐冕旒三殿曉
露翻珠翠六宮來山呼聖壽烟霞動風轉金章烏獸迴
欲識普恩無遠近萬方歡忭一聲雷

元日女道士受籙

賈島

元日天新夜齋身稱淨衣數星連斗出萬里斷雲飛霜
下磬聲在月高壇影微立聽師語了右肘繫符歸

歲日朝會口號

杜牧

星河猶在整朝衣遠望天門再拜歸笑向春風初五十
敢言知命且知非

元日仗

開元雜
曲中題

張祐

文武千官歲仗兵萬方同軌奏昇平上皇一御含元殿
丹鳳門開白日明

元日

許渾

高揭雞竿闕帝閣祥雲微暖瑞烟屯
千官共削姦臣跡萬國初銜聖主恩
宮殿雪花齊紫閣關河春色到青門
華夷一軌人方泰莫學論兵誤主恩

朝元引

四闕

陳陶

帝燭熒煌下九天蓬萊宮曉玉鑪烟未央
鸞鳳隨金母來賀薰風一萬年

玉殿雲開露冕旒上方珠翠壓黿頭
天雞唱罷南山曙

春色先歸十二樓

萬宇靈祥擁帝居
東華元老薦屠蘇
龍池遙望非烟拜
五色瞳矐在玉壺

寶祚河宮一向清
龜魚天篆益分明
近臣誰獻登封草
五嶽齊呼萬歲聲

元日

溫庭筠

神耀破氛昏
新陽入晏溫
緒風調玉吹
瑞日應銅渾
威鳳踰瑤簾
升龍護辟門
雨暘春令煦
裘冕睟容尊

元日作

李郢

鏘鏘華駟客門館賀新正野雪新山霽微風竹樹清燕
庭春意曉殘枅燼烟生忽憶王孫草前年在帝京

元日即事

喻鳧

斂板賀交親稱觴詎有巡年光悲擲舊景色喜呈新水
柳烟中重山梅雪後真不知將白髮何以度青春

歲仗

羅鄴

玉帛朝元萬國來雞人唱曉五門開春排北極迎仙馭

日捧南山入壽杯
歌舜薰風鏗劍佩
祝堯佳氣靄樓臺
可憐四海車書共
重見蕭曹佐漢材

元日觀朝

厲玄

玉座臨新歲
朝盈萬國人
火連雙闕曉
仗列五門春
瑞雪銷鴛瓦
祥光在日輪
天顏不敢視
稱慶拜空頻

元日

方干

晨雞兩遍報
更闌刁斗無聲曉
漏乾早日照山調
正氣春風入樹舞
餘寒軒車欲識人
間盛獻賀須來帝
里看

纔酌屠蘇定年齒座中皆笑鬢毛殘

丙午歲旦

司空圖

雞報已判春中年抱疾身曉催庭火暗風帶寺幡新多
慮無成事空休是吉人梅花浮壽酒莫笑又移巡

丁巳元日

稟朔華夷會開春氣象生日隨行闕近嶽為壽觴晴作
睿由稽古昭仁事措刑上玄勞眷祐高廟保忠貞星變
當移幸人心喜奉迎傳呼清御道雪涕識臣誠鼎鼐和

方濟台階潤欲平扶天資協力併日召延英金躍洪鑪
動雷驅衆蟄驚關中留王氣席上縱奇兵累降搜賢詔
兼持進善旌短轅收驥步直路發鵬程自乏匡時略非
沽矯俗名鶴籠何足獻蝸舍別無營羸帶漳濱病吟衰
越客聲移居荒藥圃耗志在棋枰醉忘身空老書憐眼
尚明偶能甘蹇分豈是薄浮榮慮戒防微淺懸知近利
輕獻陵三百里寤寐禱時清

觀新歲朝賀

盧延讓

龍墀初立仗鵷鷺列班行元日臙脂色朝天華燭香表
章堆玉案繒帛滿牙牀三百年如此無因及我唐

元日言懷因以自勵詒諸同志

吳筠

馳光無時憩加我五十年知非慕伯玉讀易宗文宣經
世匪吾事庶幾唯道全誰言帝鄉遠自古多真仙餘滓
永可滌秉心方杳然孰能無相與滅跡俱忘筌安用感
時變當期昇九天

歲日寄京師諸李端武等

韋應物

獻歲抱深惻僑居念歸綏常患親愛離始覺世務牽少
事河陽府晚守淮南壩平生幾會散已及蹉跎年昨日
罷符竹家貧遂留連部曲多已去車馬不復全閒將酒
為偶默以道自詮聽松南岩寺見月西澗泉為政無異
術當責豈望遷終裏來時裝歸鑿杜陵田

元日寄諸弟兼呈崔都水

一從守茲郡兩鬢生素髮新正加我年故歲去超忽淮

濱益時候了似仲秋月川谷風景溫城池草木發高齋
屬多暇惆悵臨芳物日月昧還期念君何時歇

歲時雜詠卷一

欽定四庫全書

歲時雜詠卷二

宋 蒲積中 編

元日

元日過丹陽明日立春

蘇軾

堆盤紅縷細茵陳
巧與椒花兩鬪新
竹馬異時寧信老
土牛明日莫辭春
西湖弄水猶應早
北寺觀燈欲及辰
白髮蒼顏誰肯記
曉來頻嚏為何人

次韻秦少游元日立春

三首

省事天公厭兩回
新年春日併相催
殷勤更下山陰雪
要與桃花作伴來

己卯嘉辰壽阿同

子由一字同叔元
日己卯渠本命

願渠無過亦無功

明年春日江湖上
回首觚稜一夢中

詞鋒雖作楚騷寒
德意還同漢詔寬
好遣秦郎供帖子
盡驅春色入毫端

新年

海國空自暖春山
無限寒氷溪結瘴
雨雪茵到江城更

待輕雷發先催凍笋生豐湖有藤菜似可敵蓴羹

豐湖有無

支行藤生清
味大類蓴

和子由元日省宿致齋

三首

江淮流落豈關天禁省相望亦偶然等是新年未相見
此身應坐不歸田

白髮蒼顏五十三家人強遣試春衫朝回兩袖天香滿
頭上銀幡笑阿咸

當年踏月走東風坐看春闌鎖醉翁白髮門生幾人在

却將新句調兒童

元日次韻張子野見和寄莘老之作

得句牛女夕轉頭參尾中青春先入醉白髮不遺窮酒

社我為敵詩壇子有功縮頭先夏鼈

見玉川子

實腹鄙秋蟲

莫唱裙垂綵無人臉斷紅舊交懷賀老新進謝終童袍
鵲雙雙瑞腰犀一一通小蠻知在否試問囁嚅翁

和次道西都元日懷不疑并見寄

司馬光

露冕優分竹題輿佐畫圻比年攜手樂茲日賞心違齋
祀春來併娛遊別後稀誰憐從宴卒莫際犯寒歸

和宋子才致仕後歲旦見贈

閒官逢獻歲拜揖亦紛然須信家居日方為己有年
劬勞中外徧名節始終全伯玉空搔首蹉跎愧在前

同次道元日宿尚書省聽戒寄常州邵不疑

去歲

是日次道
不疑同直

椒花獻歲新瑄玉侍祠頻此夕同華省非才愧後塵江

風迎菑旆沙雨待朱輪不比齋宮冷端居棄擲春

立春元日

梅堯臣

新春與新歲時候不相先未肯欺殘臘何曾占舊年綴
條花翦綵插戶柳生烟獨坐空山裏唯驚節物遷

元日

頻年無入閣今日預朝元丹陛發金奏侍臣稱玉尊旗
旌搖細仗雲霧啟千門却出蒼龍闕衣冠萬馬屯

嘉祐己亥歲旦呈永叔內翰

堦前去年雪鏡裏舊時人不覺應銷盡相看只似新屠
蘇先尚幼綵勝又宜春獨愛開封尹鍾陵請去頻

元日閤門拜表遇雪呈永叔

六花隨表拜東廂庭下遙呼萬歲長王會圖中陳璧馬
漢官儀裏濕旂常因風亂絮霑螭首似鵲輕毛落并牀
素髮垂垂少顏色衆人休笑老為郎

次韻和沖卿元日

天心欲銷變元會罷來朝新歲起今日舊年猶昨宵凍

雲低覆闕殘雪稍封條又聽驅儼鼓羣邪不可饒

次韻和永叔新歲書事

尖風細細欲穿簾殘雪微銷凍結簷
裏醇醪無限滿鏡中白髮不知添
妍童喜舞開羅幕小吏愁漸入研蟾
幸得從公持直筆定應無復歎塵鹽

元日朝

萬國諸侯振玉珂踏雲朝會雪初過
欲聞鳳管天邊度數聽雞人樓上歌
放仗旌旗方偃亞回頭宮闕更嵯峨

謬陪王屬曾何補泛泛慙同上下波

元日

昔遇風雪時孤舟泊吳埭江潮未應浦盡室坐相對行
庖得海物醃酸何瑣碎久作北州人食此欣已再是時
值新歲慶拜乃唯內草率具盤餐約畧施粉黛舉杯更
獻酬各爾祝台背咀橘齒病酸目已驚老態豈意未幾
年中路苦失配嘉辰衆所喜悲淚我何耐曩歡今已哀
日月不可賴前視四十春空期此身在世事都厭聞讀

書未忍退過目雖已忘寧捨心久愛何當往京口竹里
翦荒穢行歌樂莫節薪菽甘自刈

余之親家有女子能點酥為詩并花果麟鳳等
物一皆妙絕其家特以為歲日辛盤之助余喪
偶兒女服未除不作歲因轉贈通判通判有詩
見答故走筆酬之

翦竹纏金大於掌紅縷龜紋桃作網瓊酥點出探春詩
玉刻小書題在榜名花雜果能眩真祥獸珍禽得非廣

礪落男兒不足為女工餘思聊可賞

歲日旅泊家人相與為壽

舟中逢獻歲風雨送餘寒推年憎漸老永懷殊鮮歡江
邊無車馬鑑裏對衣冠孺人相慶拜共坐列杯盤盤中
多橘柚不咀齒已酸飲酒復先醉頗覺量不寬岬梅欲
破萼野水微生瀾來者即為新過者故為殘何言昨日
趣乃作去年觀時節易變易人世良可歎

和吳冲卿元日

千官車馬闔闔來，晝漏始上閤闔開。
我我左右升龍進，昨夜雪飛雲作堆。
殿前冠劍魚鱗立，東風入仗旗脚迴。
黃鐘一奏寶扇掩，玳簾卷起香霧排。
鳴梢未盡霹靂響，翠輦已退黃金階。
聖人端冕御法座，大樂旅作聲和諧。
羣公抃蹈丹墀下，尚書奏瑞四夷懷。
乘輿却入更衣閣，通天絳袍升玉榻。
百拜稱觴萬歲聞，兩廊賜食簪裾匝。
曲傳太定舞綴疎，波旋烟斂飭宮車。
衛官戒嚴多士退，日光亭午氣象舒。
吳君才筆天下傑，歸來作詩侍石渠。

石渠祕邃無凡愚
石渠酬唱皆嚴徐
我慙短學復在後
收餘掇棄聊以書

乙丑正旦泊彭蠡東岸遇大風雪

蘓轍

莫發鄱陽市曉榜彭蠡口
微風吹人衣霧遶廬山首
舟人釋篙笑此是風伯候
棹舟未及深飛砂忽狂走
晴空轉車轂淶水起岡阜
衆帆落高張斷纜已不救
我舟舊如山此日亦何有
老心畏波瀾歸卧塞戶牖
土囊一已

發萬竅無不奏初疑丘山裂復恐蛟蜃鬪鼓鐘相轟壓
戈甲互磨叩雲霓黑旗展林木萬弩設曳紫眩人心振
旅推軍後或為羈雌吟或作蒼兕吼中音雜呼吸異出
殊圜臼中宵變凝冽飛散雜紛揉蕭騷蓬響軋晃蕩窓
光透堅凝忽成積澎湃殊未究紆縞鋪前洲瓊瑰列遙
岫山川莽同色高下齊一覆淵深竄魚鼈野曠絕鳴雉
孤舟四隣斷餘食數外糗寒釐僅盈盎腊肉不滿豆弊
裘擁衾眠微火拾薪構可憐道路窮坐使妻子詬幽奇

雖云極岑寂頃未覲一年行將除茲歲真浪受朝來陰
雲剝林表紅日漏風稜恬已收江練平不綢兩漿舞夷
猶連峰吐奇秀同行賀安穩所識問癭癭驚餘空自憐
夢覺定真否陽春著城邑屋瓦凍將溜艱難誰為償爛
漫飲醇酎

元日

黃庭堅

會朝四海登圖籍絳闕青都想盛容春色已知曲寸草
霜威從此際寒松飲如嚼蠟初忘味事與浮雲去絕蹤

四十九年遽伯玉聖人門戶見重重

元日雲安道

趙崇璫

元日度巴雲時逢胸臆人野梅空自落山鳥暗知春不
醉新年酒徒悲異域身無窮倦行意亭柳漫風塵

歲日同郡官朝天慶觀回偶成

張耒

清曉琳宮拜謁還馳裘猶怯夜霜寒春生七澤蒼茫外
日在三山縹緲間投老塵埃隨馬後異時班綴近龍顏

人間倚伏誰能料一酌香醪興味闌

新正

新正閱月天苦陰白日未照草木心黃州城中人迹少
江濤洶湧山崎嶇

元日

陳師道

老境難為節寒梢未得春一官兼利害百慮孰親積
雪無歸路扶行有醉人望鄉仍受歲回首向松筠

奉和聖製元日二首

晏殊

夏正標吉朔堯歷載初辰柏葉清樽舉椒花綺頌陳年
芳隨律盛皇澤與時均共有華封意昇平億兆民

人正肇屆時多祐鳳歷惟新景載陽雙闕布和雲氣郁
千門獻壽玉聲長東風入律三邊靜北斗迴春萬物芳
朝暇肅城頌睿藻搢紳交抃捧堯章

御閣四首

鷲谷春風柳上歸禁園芳樹漸依依堯年億萬如天遠
萬國歡心拱太微

屠蘇醴酒盈金竿鬱壘神符衛紫關三境上真垂介福
縣縣洪算等南山

南國雕胡奉紫庭九重樓閣瑞雲生丹臺玉策延洪算
八表歡娛四海清

習習條風拂曙來清香猶綻雪中梅屠蘇酒綠鑪烟動
共獻宜城萬壽杯

內廷四首

玉殿初晨淑氣和璧池冰解水生波龜臺聖母增年歷

萬壽無疆積慶多

獻壽椒花泛淥醪
迎祥朱戶帖仙桃
彤庭玉殿鑪烟起
藹藹卿雲瑞日高

池冰初解雪初消
十二重城曉日高
颯颯和風遶珠樹
千年春色在蟠桃

三百六旬初一日
四時嘉序太平年
霓衣絳節修真籙
步武祥雲奉九天

東宮閣 二首

銅龍樓下早春歸三朔元辰在此時椒柏暖風浮玉笋
兩宮稱慶奉皇慈

條風發歲協初辰玄圃瑤山景象新千載百靈資介福
滄溟重潤月重輪

癸酉歲元日中書致齋感事

一葉春王拆瑞筇八齋西省夕香濃多年不宿金閨署

自天聖三年乙丑歲十月十四日由翰林授樞密副使罷宿禁中幾年矣半夜再聞長樂

鐘却展舊編探史漢更慙高步接夔龍十思三省無荒

豫千載亨辰豈易逢

壬午歲元日雪

千門初曙散星河
颯灑貂裘潤玉珂
白獸尊前飛絮早
景陽鐘後落梅多
無聲暗重瓊林彩
有意微藏璧沼波
三殿端辰得嘉瑞
不須庭燎夜如何

和樞密晏太尉元日雪

宋祁

寒雲萬里送殘宵
回旋祥雲集歲朝
繁影未能藏夜燎
薄花仍欲伴春椒
光含象闕蒼龍舞
氣勁交衢卓馬驕

豐兆歡歌誰不爾百官兼放五門朝

入新年作

四十九年今日到來驩往戚是歟非牀頭周易有深意
自此恐須三絕韋

入壬辰新歲

五十為衰始仍餘五歲衰雙眸不明鑑殘鬢已紛絲銅
虎雖頻剖荷囊信濫持何須依老格

新詔七十不致仕許自彈劾
先

作故山期

途中新歲憶三城兄長相公

馬上逢元朔，忽忽記物華。
趨盤呈柏葉，偷筆弄椒花。
臘暝殘晨炬，春輝上早霞。
三城今日酒，知我獨思家。

甲申首歲

故歲時光漏中去，新正甲子卷中開。
迎新送故只如此，且盡燈前藍尾盃。

元日即事

北京

黃頤

還驚歲律去崢嶸，壯草寧知臘鼓鳴。
日月又從元朔起，

華夷長見泰階平
栢觴波暖淋漓重
綵燕風頭料峭輕
盡荷累朝樞軸舊
陶鈞無象及蒼生

再賦 二首

斗柄插寅方送臘
律音窮丑又循環
貂蟬雖有椒花頌
劍履應思玉笋班
嶺上早梅春已寄
衡陽斷雁信將還
天鈞開泰羣生遂
舊在元台變理間

雪渡龍沙送歲餘
越吟莊舄但踟躕
八風已冷金莖露
三統潛新寶曆書
農事土牛知早晚
物妖桃梗盡驅除

魯侯昌熾邦人詠長與天鈞幹慘舒

歲日書事

越州作

吳充

拂霧屠蘇酒滿巡越山如鬣水如鱗日邊雖望龍庭遠
海上初傳鳳歷新

今上即位之元年

好景融融來破雪和風細

細欲黏人莫言老守無心計排比賓僚醉過春

新年

劉筠

病入新年起甲寅軫心不動五經春史曹非據慙書法
衮職無虧濫諍臣荏苒未除金馬籍蹢躅空笑玉樓人

窮廬抱影時相弔一指南禪四大身

正旦病中

孫何

千官簪笏儼成行春逐鑾輿出建章
丹鳳案明分曙色絳紗袍暖起天香
旌旗影裏陳方物金石聲中舉壽觴
可惜龍墀立班處劉生獨自卧清漳

甲午元日

唐庚

非賢幸脫龍蛇歲上聖應憐蟻虱臣
憶與政和同度嶺朝來已點四年春

元日

韓 駒

鴨綠未全生
曲沼鷺黃先
已上柔柯無
端春物撩詩
思
白髮明朝一
倍多

歲時雜詠卷二

欽定四庫全書

歲時雜詠卷三

宋 蒲積中 編

立春

翦綵花絕句 二首

劉孝威

葉舒非漸大花是發春開無人論訝似蜂見也爭來
淺深依樹色舒卷聽人裁假令春色度經住手中開

詠司農府春幡

徐勉

幡縠重前經人天稱往錄青珪禮東甸高旗表治粟逵

遲垂旦風蔥翠揚朝旭平秩命春司和氣承玉燭豈伊
盈八政兼茲辨榮辱十千既歲取利民誰不足

立春日汎舟玄圃各賦一字六韻成篇

座有張式陸瓊

顧野王謝朓褚瑒王綽陸瑜姚察等九人

陳後主

春光及禁苑曉日暖源桃霄烟近漠漠暗浪遠滔滔石
苔侵綠蘚岬草發青袍迴歌逐轉櫂浮水隨渡刀遙看
柳色嫩迴望鳥飛高自得欣為樂忘意若臨濠

獻歲立春光風具美汎舟玄圃各賦六韻

座有張式

陸壇顧野王殷謀陸
瑜岑之敬等六人

寒輕條已翠春初未轉禽野雪明岩曲山花昭迴林苔
色隨水溜樹影帶風沈沙長見水落歌遙覽浦深餘輝
斜四戶流風颭八音既此留連席道欣放曠心

立春游苑迎春

中宗

神臯福地三秦邑玉臺金闕九仙家寒光猶戀甘泉樹
淑景偏臨建始花綵蝶黃鶯未歌舞梅香柳色已矜誇
迎春正啟流霞席斂囑曦輪勿遽斜

奉和立春游苑迎春應制 六首

崔日用

垂時迎氣正璿衡
灞漭烟氛向曉清
翦綠裁紅妙春色
宮梅殿柳識天情
瑤筐綵燕先呈瑞
金縷晨雞未學鳴
聖澤陽和宜宴樂
年年捧日向東城

又

李適

金輿翠輦迎嘉節
御苑仙官待獻春
淑氣初銜梅色淺
條風半拂柳牆新
天杯慶壽齊南嶽
聖藻光輝動北辰

稍覺披香歌吹近龍驂薄暮下城闌

又

馬懷素

玄籥飛灰出洞房青郊迎氣肇初陽
仙輿暫下宜春苑御醴行開萬壽觴
映水輕苔猶隱綠緣隄弱柳未舒黃
唯有裁花飾簪鬢相隨聖藻狎年光

又

韋元旦

灞溪長安恒近日殷正臘月早迎新
池魚戲葉仍含凍宮女裁花已作春
向苑雲疑承翠幄入林風若起青蘋

年年斗柄東無限願把瓊觴壽北辰

又

閩朝隱

管鑰周移寰極裏垂輿倚望斗城闈草根未結青絲縷
羅薦猶垂綠帟巾鵲入巢中言改歲燕銜書上道宜新
願得長繩繫去日光臨天子萬年春

又

沈佺期

東郊暫轉迎春仗上苑初飛行慶杯風射蛟冰千片斷
氣衝魚鑰九關開林中覓草初生蕙殿裏爭花併是梅

歌吹銜恩歸路曉
栖烏半下鳳城來

立春日侍宴別殿內出綵花應制

六首

趙彥昭

翦綵迎初候
攀條寫故真
花隨紅意發
葉就綵情新
嫩色驚銜燕
輕香賺採人
應為薰風拂
能令芳樹春

又

沈佺期

合殿春應早
開箱綵預知
花迎宸翰發
葉待御筵披
梅訝香金少
桃驚色頓移
輕生承翦拂
長奉萬年枝

又

宋之問

金閣裝仙杏瓊筵弄綺梅人間都未識天上忽先開蝶
繞香絲住蜂憐艷粉迴今年春色早應為剪刀催

又

上官昭容

密葉因裁吐新花逐翦舒攀條雖不謬摘藻剩知虛春
至由來發秋還未肯疎借問桃將李相亂欲何如

又

李嶠

幸得時已至翦綵學芳辰綴綠奇能似裁紅巧逼真花

從篋裏發葉向手中春不與韶光競何名天上人

又

劉憲

上林宮館好春心獨早知剪花疑始發刻燕似新窺色
濃輕雪點香淺嫩風吹此日叨陪侍恩榮得數枝

和立春日內出綵花樹應制

四首

岑曦

和風助律應韶年清蹕乘高入望仙花笑鶯歌迎帝輦
雲披日霽俯皇川南山近獻仙杯上北斗平臨御宸前

一奉恩榮歡在鎬空知率舞聽薰絃

又

崔湜

澹蕩春光滿曉空
逍遙御輦入離宮
山河眺望雲天外
臺榭參差烟霧中
庭際花飛錦繡合
枝間鳥轉管絃同
即此歡娛齊鎬宴
唯應率舞樂薰風

又

張說

別館芳菲上苑東
飛花澹蕩御筵紅
城臨渭水天河近
闕對南山雲霧通
繞殿流鶯凡幾樹
當蹊亂葉許多叢

春園既醉心和樂共識皇恩造化同

又

武平一

鑾輅青旂下帝臺東郊上苑望春來黃鶯未解林間轉
紅蕖先從殿裏開畫閣條風初變柳銀塘曲水半含苔
正逢睿藻光韶律更促霞觴畏景催

翦綵

宋之問

駐想持金錯居然作管灰綺羅纖手製桃李向春開拾
藻蜂初泊銜花鳥未迴不言將巧笑翻逐美人來

立春日晨起對積雪

張九齡

忽對林庭雪瑤華處處開
今年迎氣始昨夜伴春迴
玉潤窓前竹花繁院裏梅
東郊齋祭所應見五神來

立春日對雪

孟浩然

迎氣當春立承恩喜雪來
潤從河漢落花遍艷陽開
不覩豐年瑞安知燮理才
撒鹽如可擬願糝和羹梅

和張左司自洛使入京中路先赴長安逢立春

日贈韋侍御及諸公

二首

孫逖

拜郎登省闈奉使馳車垂遙瞻使者星更是郎官應臺
妙時相許皇華德彌稱二陝聽風謠三秦望形勝此中
睽益友是日多詩興寒盡歲陰催春歸物華證

忽覩雲間數雁迴更逢山上一花開河邊淑氣迎芳草
林下輕風待落梅秋憲府中高唱入春卿署裏和歌來
共言東閣招賢地自有西征作賦才

立春後休沐

包佶

心與青春背新年亦掩扉漸窮無相學唯避不才譏積

病故難愈銜恩報轉微定知書課日優詔許辭歸

立春後開元觀送強文學還京

張南史

臘後年華變闕西驛騎遙塞鴻連暮翼江柳動寒條山
水辭漳郡圖書入漢朝高樓非別處故使百憂消

東郊迎氣

皇甫冉

曉見蒼龍駕東郊春已迎綵雲天仗合玄象泰階平佳
氣山川秀和風政令行鈞陳霜騎肅御道雨師清律向

韶陽變人隨草木榮遙歡上林苑今日遇遷鶯

立春

冷朝陽

玉律傳佳節青陽應此辰土牛呈歲稔綵燕表年春臘
盡星迴次寒餘月建寅風光行處好雲物望中新流水
初銷凍潛魚欲振鱗梅花將柳色偏使越鄉人

立春日宴高陵任明府宅

耿漳

春灰今變候密雪又霏霏坐客同心滿流年此會稀風
成空處亂素積夜來飛且共銜杯酒陶潛不得歸

翦綵花

雍裕之

敢競桃李色自呈刀尺功蝶猶迷翦翠人豈辨裁紅

立春日曉望三素雲

貞元十一年
呂侍郎

李季何

靄靄青春曙飛仙駕五雲浮輪初縹緲承蓋下氤氲薄
影隨風度殊容向日分羽毛紛共遠環珮香猶聞靜合
烟霞色遙將鸞鶴羣年年瞻此御應許從元君

又

李應

玄鳥初來日靈仙望裏分水容朝上界玉輦擁朝雲碧
落流輕艷紅霓間彩文帶烟時縹緲向斗更氤氲鬋
隨風馭超遙出曉雲茲辰三見後希得從元君

途中立春寄懷楊郇伯

竇常

浪跡終年客驚心此地春風前獨去馬澤畔耦耕人老
大交情重悲涼外物親子雲今在宅應見柳條新

立春後言懷招汴州李匡衡推

令狐楚

閒齋夜擊唾壺歌試望夷門奈遠何每聽寒笳離夢斷
時窺清鑑旅愁多初驚宵漏丁丁促已覺春風習習和
海內故人君最老花開鞭馬更相過

立春日酬錢貲外曲江同行見贈

白居易

下直遇春日垂鞭出禁闈兩人攜手語十里看山歸柳
色早黃淺水文新綠微風光向晚好車馬近南稀機盡
笑相顧不驚鷗鷺飛

會昌六年立春日人日作

二日立春人七日盤蔬餅餌逐時新年方吉鄭猶為少

家比劉韓未是貧鄉園節歲應堪重親故歡游莫厭頻

試作循潮封眼想何由得見洛陽春

分司致仕官中吉傳詔議最老韓庶

子尤貧循潮封三郡還客老

劉負外韓皆洛下舊游也

酬劉谷立春日吏隱亭見寄 李 郢

孤亭遙帶寺靜者獨登臨楚霽江流慢春歸澤氣陰野
田青牧馬幽竹暖鳴禽日日年光盡何堪故國心

立春日江村偶興

舊歷年光看卷盡
立春何用更相催
江邊野店寒無酒
竹外孤村坐見梅
山雪乍晴嵐翠起
漁家向晚笛聲哀
南中近有秦中使
聞道胡兵索戰來

立春日

李遠

暖日傍簾曉
濃春開篋紅
釵斜穿綵燕
羅薄翦春虫
巧著金刀力
寒侵玉指風
娉婷何處戴
山鬢綠成叢

翦綵

翦綵贈相親銀釵綴鳳真雙雙
銜綬鳥兩兩度橋人葉
逐金刀出花隨玉指新願君千萬歲無歲不逢春

立春日

陸龜蒙

去年花落時題作送春詩自為重相見應無今日悲
道孤逢識寡身病買名遲一夜東風起開簾不敢窺

渚宮立春書懷

吳融

春候侵殘臘江蕪綠未齊風高鶯轉澁雨密雁飛低
向日心雖在歸朝路欲迷近聞驚御史猶及灞陵西

立春

曹松

春日一杯酒更吟春日詩
木梢寒未覺地脈暖先知
鳥

轉星沉後山分雪薄時
寧無翦花手贈與最芳枝

一作賞心

無處說悵
望曲江池

京中正月七日立春

羅隱

一二三四五六七萬物生
春是今日遠天歸雁拂雲飛

近水遊魚迸冰出

立春

韋莊

青帝東來日
馭遲煖烟輕
逐曉風吹
蜀祀公子樽前覺
錦帳佳人夢裏知
雪圃乍開紅菜甲
綵幡新翦綠楊枝
殷勤欲獻宜春曲
題向花牋帖繡楣

立春日有懷呈宮傅侍郎

皇甫曙

朝旦微風吹曉霞
散為和氣滿家家
不知容貌潛消落
且喜春光動物華
出問冰池猶塞岸
歸尋園柳未生芽
摩挲酒甕重封閉
待入新年共看花

立春

杜甫

春日春盤細生菜忽憶兩京梅發時盤出高門行白玉
菜傳纖手送春絲巫峽寒江那對眼杜陵遠客不勝悲
此身未知歸定處呼兒覓紙一題詩

歲時雜詠卷三

欽定四庫全書

歲時雜詠卷四

宋 蒲積中 編

立春

今詩

立春日病起邀安國見過請率禹功同來僕雖
不能飲當請成伯主會予杖策倚几於其間觀
諸公醉笑發滯悶也 二首

蘇軾

孤燈照影夜漫漫拈得花枝不忍看白髮欺簪羞綵勝
黃耆煮粥薦春盤東方烹狗陽初動南陌爭牛卧作團

老子從來興不淺向隅誰有滿堂歡

齋居卧病禁煙前辜負名花已一年此日使君不强喜
青春風物為誰妍青衫公子家千里白首先生杖百錢
曷不相將來問疾已教呼取散花天

和曾通判新春

蕭索東風兩鬢華年年幡勝剪宮花愁聞塞曲吹蘆管
喜見春盤得蓼芽吾國舊供雲澤米

定武齋酒
用蘇米

君家新

致雪坑茶

近得曾
坑茶

燕南異事真堪記三寸黃柑擘永嘉

立春日小集呈李端叔

白髮已十載青春無一堪不驚新歲換聊與故人談
健民聲喜鴉嬌雪意酣霏微不到地和暖要宜蠶歲月
斜川似風流曲水慙行吟老燕代坐睡夢江潭丞掾頗
哀援歌呼誰怕參衰懷久灰稿習氣尚饒貪白啖本河
朔紅綃真劍南辛盤得青韭臘酒是黃柑歸卧燈殘帳
酣同竹打菴須煩李居士重說後三三

次韻劉貢父春日賜幡勝二首

寬詔隨春出內朝三軍喜氣挾狐貂鏤銀錯落翻斜月
剪綵繽紛舞慶霄臘雪強飛纔到地前一日微雪曉風偷轉
不驚條脫冠徑醉應歸卧便腹從人笑老韶是日暮賜酒

再和

與君流落偶還朝過眼紛綸七葉貂莫笑華顛飄綵勝
幾人黃壤隔青霄行吟未許窮騷雅坐嘯猶能出教條
記取明年江上郡五更春枕夢春韶

立春日

熊白來山北猪紅削劍南春盤得青韭臘酒寄黃柑

春帖子詞

皇帝閣

六首

藹藹龍旂色琅琅木鐸音數行寬大詔四海發生心
暘谷賓初日清臺告協風願如風雨信長與日俱中

草木漸知春萌芽處處新從今八千歲合把是靈椿
聖主憂民未解顏天教瑞雪報豐年蒼龍侍闕農祥正
父老歡呼看藉田

昨夜東風入律新
玉關知有受降人
聖恩與解湟河凍
得共中原草木春

翰林職在明光裏
行樂詩成拜舞中
不待驚開小桃杏
始知天子是天公

太皇太后閣

六首

琬刻春何力
欣勞物自知
發生雖有象
覆載本無私
小殿黃金榜
朱簾白玉鈎
一聲雙白燕
春色滿皇州
仗下春朝散
宮中晝漏移
兩廂休侍御
應下讀書帷

五日占雲十日風憂勤終歲為三農春來有喜何人見
好學神孫類祖宗

共道十年無臘雪且欣三白歷春田盡驅南畝扶犁手
稍發中都朽貫錢

不獨清心能有事應緣克己自消兵傳聞塞外千君長
欲趁新年賀太平

皇太后閣

六首

瑞日明天仗仙雲擁壽山猗蘭春晝永金母在人間

寶冊瓊瑤重新庭松栢香雪消春未動碧瓦麗朝陽
朝罷金鋪掩人間寶瑟塵欲知慈儉德書史樂青春
仙家日月本長閒送臘迎春豈亦然翠管銀罌傳故事
金花綵勝作新年

彤史年來不絕書三朝德化婦承姑宮中侍女減珠翠
霜裏貧民得袴襦

邊庭無事羽書稀閒遣詞臣進小詩共助至尊歌喜事
今年春日得春衣

皇太妃閣

五首

葦桃猶在戶椒栢已稱觴歲美風光應朝回日漸長
甲觀開千柱飛樓耀九層雪殘烏鵲喜翔舞下觚稜
孝心日奉東朝養儉德應師大練風太史新年瞻瑞氣
四星明潤紫霄中

九宮挂月未催班清禁風和玉漏閒崇慶早朝銀燭下
珮環聲在五雲間

東風弱柳萬絲垂的皪殘梅尚一枝璽館乍欣蠶浴後

金八八八
春四
謀壇猶記燕來時

夫人閣 四首

綵勝縷新語酥盤滴小詩昇平多樂事應許外廷知
細雨曉風柔春聲入御溝已漂新荇沒猶帶斷水流
扶桑初日映簾昇已覺銅餅暖不冰七種共挑人日菜
千枝先剪上元燈

雪消鴛瓦已流澌風暖犀盤尚鎮帷縹緲紫簫明月下
辟門桂影夜參差

春日

蘇轍

春到燕山水亦消歸驂迎日喜驃姚久行胡地生華髮
初試東風脫敝袍插髻小幡應止示點盤生菜為誰挑
附書勤婦東園雪到日青梅未滿條

春帖子詞

皇帝閣

六首

歐陽修

萌芽資暖律養育本仁心顧彼蒼生意安知帝力深
陽近升君子陰消退小人聖君南面治布教法新春

氣候三陽始勾萌萬物新雷聲初發號天下已知春

玉琯氣來春已動東郊風至曉先迎乾坤有信如符契
草木無知但發生

朝雲靄靄弄春暉萬木欣欣暖尚微造化未嘗私一物
各隨妍醜自芳菲

熙熙人物樂春臺風送春從天上來玉輦經年不遊幸
上林花好莫爭開

皇后閣

五首

御水冰消綠宮梅雪壓香新年賀康泰白日漸舒長
謁謁珠簾日溶溶碧瓦煙漪連采荇水和暖浴蠶天
初欣綵勝迎春早已覺雞人報漏遲風色結寒猶料峭
天光煦日已融怡

鶯寒未報宮花發風暖還催鴈雪消欲識春來自何處
先從天上斗回杓

三辰明潤璇璣運四氣均調玉燭光共喜新年獻椒酒
惟將萬壽祝君王

夫人閣

五首

太史頒時令農家候土牛青林自花發黃屋為民憂
元旦千官集新春萬物同測主知日永占歲喜時豐
黃金未變千絲柳白日初遲百斛香聖主本無聲色惑
宮花不用妬新妝

微風池沼輕漸漾旭日樓臺瑞靄浮四海歡聲歌帝澤
萬家春色滿皇州

玉殿籤聲玉漏催綵花金勝巧先裁宿雲容雨朝暉麗

共喜春隨曙色來

溫成皇后閣

四首

璫窓朱戶暖生煙不覺新春換故年衆卉爭妍競時態
却尋遺跡獨依然

寶奩香歇掩鉛華舊閣春歸老監嗟畫棟重來當日燕
玉欄猶發去年花

椒壁輕寒轉晚暉珠簾不動暖風微可憐春色來依舊
惟有餘香散不歸

內助從來上所嘉
新春不忍見新花
君王念舊憐遺族
常使無權保厥家

皇帝閣

十二首

宋祁

瑞福隨春到穰穰
正似山君王寬大
詔自此徧人間
東郊迎氣罷暖信
入嚴辰暫遣星杓
轉令知天下春
葭管灰飛盡金胥
漏刻長歡情與和
氣併入萬年觴
春風真樂地春仗
大明天春酒皆千
日春枝即萬年
陽和今日到景物
一時新陛下南山
壽長迎千萬春

天上春光遍世間人未知黃金裝柳葉紅蕊點花枝
水暖蛟水解灰飛鳳管和陽春與皇澤併付四夷歌
日華初麗上林天殿裡春花百種鮮驅出餘寒還故臘
收回和氣作新年

望春臺下春先到獵獵青旗倚漢宮水自北涯生煖溜
花從東面受和風

蒼龍東闕轉春旗綵羽林梢最早知青帝回風還習習
黃人捧日故遲遲

天矯蒼龍引翠旌
君王暫報出郊迎
勾芒一夜催春到
萬戶千門歌吹聲

宜春苑裏報春回
寶勝繒花百種催
瑞羽關關遷木早
神魚潑潑上冰來

皇后閣

九首

嘉福隨年至
皇恩共氣和
水痕冰處動
烟思柳前多
曉佩搖蒼玉
宸旗亞翠旂
新年好春色
今日滿皇州
暖碧浮天宇
蓮紅上日華
寶幡雙帖燕
綵樹對纏花

青郊迎淑氣華闕報芳辰瑞木梢梢變珍禽哢哢新
春前已歲換歲後始春來綵燕隨宜帖繒花鬪巧開
宮裏春花纔灼灼殿前春仗已戔戔東風盡解天池凍
不及君王慶澤多

誰道春從何處來只從金闕遍瑤臺蒼龍便入時迎仗
玉液還飛行慶杯

迎春寶勝插釵梁拂鈿裁金鬪巧妝上作君王萬年字
要知長奉白雲觴

雙闕祥雲抱日光朝來春意已昌昌先從太液催波綠
後到靈和報柳黃

夫人閣

九首

春鬪風光麗春城歌吹喧瓊漿獻春酒金箔縷春幡
瑞厯歲惟新物華春可愛雪盡林弄姿冰消水生態
春從何處生先覺滿瑤京水解魚鱗負雲飛鶴態橫
雪罷雲初暖天和日便遲玉樓新燕子梅下記來時
春天麗春旭春酒獻春杯樹待珊瑚鬪花須羯鼓催

銀闕崔嵬對未央春來始覺好年光
風生禁苑無窮麗日向仙壺一倍長

東郊移仗曉迎春已覺輕寒不着人
天瑞穰穰君澤美併教和氣助佳辰

日照觚稜萬戶春細風輕露淡嘉辰
一番宮柳黃烟重百種盤蔬紫甲新

玉管輕羅和氣動土牛青犢報祠歸
仙盤取露朝和蕊舞殿裁雲暝作衣

皇帝閣

六首

夏竦

金盤曉日融春露
黼帳鮮雲蔭瑞香
聖壽永同天地久
南山何足比延長

冰消太液生春水
日上披香積瑞烟
五岳告成鴻慶遠
垂衣無事永千年

天人道洽真遊降
禪祀功高帝業昌
迎氣東郊風乍暖
受釐中禁日初長

九門和氣衝魚籥
層宙祥飈起鶴雲
王澤下流慈照遠

萬方歌舞戴明君

青達布序韶暉盛紫禁乘春樂事多
海晏域清無夕慮
齋居宣室順天和

寒梅吐艷風初應
朱輦宣遊日漸遲
道蔭無涯真緒遠
永康寰海茂春祺

皇后閣

七首

青達布序和風扇
紫禁迎禧瑞日長
佇看親蠶臨蠶館
永觀彤管播聲芳

椒花獻歲良時啟綵燕迎春淑氣來仰奉帝慈方繡出
吹簫看築鳳皇臺

東郊候氣回青輅北闕迎祥闢紫闥大庇羣生承寶緒
永敷春澤播鴻徽

銀箭初傳暖律延微和漸扇物華妍綵幡紅縷宜春字
永奉宸慈億萬年

青陽乍整黃龍駕紫宇初凝白鶴雲萬壽無疆真陰遠
九重嘉氣日氤氲

緹室葭灰飛候琯彤闈天露起和風六宮永被河洲化
穆穆芳猷佐聖功

三星分曜輝宸漢九禁迎春喜令辰仰奉椒闈宣內治
湛恩鴻慶永如春

壽春郡王閣

四首

穆穆韶華生紫禁遲遲春箭下青宮良辰已慶加元服
大國爰聞拜景風

緹室葭灰飛律管鳳闈春色動年芳仙源積慶誠無際

永戴宸慈襲美祥

日上苑梅凝素艷雪晴宮柳弄青條已觀啓土封東國
即著懷金奉內朝

異表英奇非世出慧心通敏盡生知更當淑景承慈照
永奉嘉祥茂木枝

春日詞五首

宮壇青陌賽牛回玉管東風逗曉來不待嶺梅傳遠信
翦刀先放綵花開

試粉東窓待曉回
共尋春柳傍香臺
不驚樹裏禽初變
共喜釵頭燕已來

紅霧初開上曉霞
共驚風色變年華
香車遙認春雷響
庭雪先開玉樹花

玉琯吹灰夜色殘
鳩鳴紅日上仙盤
初驚百舌綿蠻語
已覺東風料峭寒

待暖銅壺剪鴈梅
綉簾春色犯寒來
畫眉不待張京兆
自有新妝試落梅

皇帝閣

六首

肇履璿璣厯重飛緹室灰寒隨土牛盡暖應斗東回
鸞輅迎長日豐祥正曉天九垓同煥沐萬物向蕃鮮
盛德方迎木柔風漸布和省耕將效駕擊壤已聞歌
鳴鴈求歸北寒魚陟負冰相烏風色改暘谷日華新
浮陽滿野白溶溶澤底山椒淑氣通草木豈能知造化
一花一葉盡天功

漠然天造與時新根着浮流一氣均萬物不須雕刻巧

正如恭已布深仁

太皇太后閣

六首

盛德初臨震陽和已動神發生天地大厚載四儀尊
種桃臨玉砌戴勝刻金花借問此何處崑山王母家
長樂晚鐘殘皇輿入問安東風猶料峭冒絮禦餘寒
慶壽風烟接未央飛樓複道鬱相望春來無以消長日
閒取經書教小王

冰凝半解波光綠柳葉未生條已黃四海澄清天子孝

朝元日奉萬年觴

東宮歸政五年餘
隱几時觀黃老書
禁闥無為民自化
熙熙不獨在春初

皇太后閣

六首

母德思齊盛天心
舊豫初青暉凝輦路
佳氣擁宸居
暖日初添刻柔風乍襲衣
弄孫時哺果觀織屢臨機
膾肉分銀縷蘭芽簇紫茸
大官遵舊俗歲歲與今同
釵上花開海燕飛
紅繒剪萼蠟粘枝
風前飄落參差羽

還似瑤箱呈瑞時

玉漏聲殘金殿開
乘輿清蹕問安來
盡將草木欣欣意
同與新春入壽杯

裁縫大練成春服
慈儉由來性所鍾
肯使外家矜侈泰
車如流水馬如龍

皇后閣

五首

種陸獻新種
禕褕澣舊衣
玉鉤隨步輦
行看採桑歸
樛木猶藏葉
夭桃未作花
六宮歌逮下
四海咏宜家

溝暖水初斷
窓晴雪半消
餘寒不足畏
塗壁盡芳椒
寶勝金幡巧
鬪工綵花臘
燕颺和風玉
盤翠苴映紅
蓼捧案朝來
獻兩宮

春衣不用蕙
蘭熏領緣無
煩刺繡文曾
在蠶宮親織
就方知縷縷
盡辛勤

夫人閤四首

壁帶非烟潤
金鋪霽景鮮
繡功添米縷
和氣入繁絃
剪綵催花發
開簾望燕歸
藏閤新過臘
習舞競裁衣

綺窓繡戶又東風
丹掖遊陪處處同
但願太平無限樂
何須三十六離宮

聖主終朝勤萬幾
燕居專事養希夷
千門永晝春岑寂
不用車前插竹枝

立春日

三首

風光先着竹間梅
和氣應從大地回
桃李滿園渾未覺
微紅先向寶刀開

蒼龍闕角回金斗
文德門前散曉班
車馬紛紛殘雪裏

縷銀剪綵舞新幙

天上春來誰報人江山氣象一時新
懶將白髮簪幙勝
春酒三杯懨逐臣

次韻

黃庭堅

渺然今日望瓶梅已發黃州首重回
試問淮南風月主
今年桃李為誰開

誰憐舊日青錢選不立春風玉笋班
博得黃州新語法
老夫端欲把降幡

江山也似隨春動花柳真成觸眼新清濁盡須歸甕蟻
吉凶更莫問波臣

再次韻三首

春風調物似鹽梅一一根中生意回風又安排催歲換
丹青次第與花開

久狎漁樵作往還曉風宮殿夢催班鄰娃似與爭春道
酥滴花枝綵剪幡

酒有全功筆有神可將心付白頭新春盤一任人爭席



莫道前來是近臣

立春

韭苗杏煮餅野老亦知春看鏡道如尺倚樓梅照人

王樂道太丞立春早朝

梅堯臣

近臣頭上黃金勝殿前拜賜東風應蓼芽蔬甲簇春盤
肉抹長絲何亘亘寬衣武率舉玉庭人歸下筯殊難稱
我家無火甑生塵幪柳綵花空着興着興將底為
但願得米資晨炊不管飛霙與麥宜千官隊中身最早

五日一謁前旒垂

立春前一日雪中訪烏程宰李君俞尋有詩見
貺依韻和答

粉禁先春拂面翔臨風躍馬到君堂縣民將喜土膏起
令尹生驚農事忙疾呼小吏具山酌便欲盡醉為詩狂
我牽塵俗不得久何意更煩投夜光

和立春

茲日何所喜所喜物向榮燦縷作翠柳意先新陽生塗

金縷為勝義不首時輕增年已歎老斗酒聊自傾

擬宋之問春日剪綵花應制

上林花未有中禁綵先成葉逐剪刀出蕊從妝粉生紅
繁內人手香染侍臣纓不是將春競天心重發榮

次韻冲卿除日春

王安石

猶殘一日臘併見兩年春物以終為始人從故得新迎
陽朝剪綵守歲夜傾銀恩賜隨嘉節無功祇自塵

季冬立春後有雪呈諸公

白子儀

南畝先曾集素靈
繽紛又拂歲崢嶸
得無留滯青春色
況復蔽虧紅日明
司歷不能分晝刻
勾芒何處待時行
豈如直近農耕候
萬耳聽來甘雨聲

立春

陳師道

馬蹄殘雪未成塵
梅子梢頭已著春
巧勝向人真奈老
衰顏從俗不宜新
高門肯送青絲菜
下里誰思白髮人
共學少年天下士
獨能濡濕轍中鱗

奉和聖製立春日

二首

晏殊

紫宙星回後青郊斗轉時上林鶯囀早南畝雪消遲雲
喬千祥集風條萬類滋皇情同率土黔首頌昌期

陰陽自協璇璣運和煦潛隨緹管升十二紫闕魚籥啓
九重峽闕絳烟凝芳華稍變青門柳寒凍微消北陸水
宸藻下頒羲又麗八紘民庶保年登

奉和聖製新春

斗柄東回六合春堯天厯象與時新銅壺瑞氣延疎漏
青輅祥風繞畫輪雲裏樓臺高郁郁雨中原隰碧鱗鱗

千村粉萼梅英吐百尺金絲柳帶勻秉錄調元功有序
在璿觀妙政惟醇仰瞻魏闕宣和會共識皇恩子萬民

立春祀太乙

紫毛雙節引青童一片空歌韻曉風太昊茲辰授春令
鸞旗應在喬雲中

華燈明滅羽衣攢翠柳蕭森矮檜寒千步回廊繞金殿
水蒼瑤佩響珊珊

立春又詞

御閣四首

合月歸餘屆早春
羲舒相望協元辰
初陽乍逐青旗動
聖壽長隨鳳曆新

三素雲中曉望時
上真輶蓋綠參差
丹臺自有長生籍
睿算方延億萬期

青輅迎春習習來
天泉池上曉水開
珠幡已報三陽候
栢葉將陳萬壽杯

綵幡雙燕祝春宜
獻壽迎祥重此時
臘雪未消宮樹碧

早鶯聲在萬年枝

內廷 四首

朱戶未聞迎綵燕東郊先報舞雲翹
姜任盛德符青史
金屋千春奉聖朝

柳燧青青淑氣和冰紋初解穀文波
淑風殿裏黃金屋
應候稱觴獻壽多

才聞太昊行新令更祝元君望景輿
白玉龜臺資壽歷
千春鴻福此春初

雙金縷勝延嘉節五綵為幡奉紫廷春色漸濃人未覺
玉階楊柳半青青

東宮閣

三首

青幡乍帖宜春字翠旆初迎入律風一有元良昭大慶
問安長在紫宸中

碧燕幡長綵樹新寢門瑤珮慶初春邦家累善鍾儲貳
皎皎重暉在璧輪

鮫水千片解華池神水香醪滿爵卮旭日九門凝瑞露

東廂朝拜奉宸慈

立春

宋 祁

春時靈旗畫尾斜漢宮麥幘望晨霞宮中綵樹紛無算
不待東風已作花

又

范成大

候管灰初動條風已發春萬靈歸化育一氣驗平均農
事牛先示人情蠶欲伸優哉漢疏廣樽酒過嘉辰

和觀文相公立春日示詩
唐 庚

閒把流年指上輪朝來七十五回春一杯願薦喬松壽
四海方依社稷臣血氣未嫌辛菜冷顏容猶稱綵幘新
清詩小字傳觀處滿座驚呼覺有神

春日

今日天涯又見春與春分契合相親君看四十年來事
只有東君是故人

奉詔立春日祝太乙宮書事

五言十六韻

劉筠

黃圖標清館紫詔戒鯁臣祗祓先三日精明奉列真緹
帷麗宴室琅菜盛璽珍鵠浴薰湯潔龜存踵息勺金齊
傳漏箭雲鶴換朝紳霞接浮丘袂星瞻太乙神九光龍
縈密百和鵲鑪新磬度松間籟歌飄海底塵中天鳴素
瑟五鼓下瓊輪祝冊精衷達沈榆拜席陳殿趨鳬舄急
廊轉羽旋頻薦幣氷紋滑升樽玉液醇樓居排迥漢歛
駕返清晨習習靈風遠欣欣瑞木春祥氛披輦道遲景
上城闔宣室如垂問鴻禧永庇民

立春

崔正言

吏部今餘十九牙一杯湯餅羨君家不妨更往挑生菜
釘取黃金堞裏花

再繼立春韻

君才傑立拔鯨牙笑我文章一小家輒莫更書春帖子
年來雙眼眩昏花

立春日

老病聲名外艱難霜雪中衰歌聊喜色今日得春風漸

喜晴兼暖微看碧與紅菜盤徒草草猶足呼隣翁

立春後三日山行喜雨

趙崇礪

窮冬陽為沴旱氣蒸黃埃春風三夜動膏雨隨風來萬
類萌甲喜黎人生意開我行竟何事欣爾登崔嵬

立春日舟次藕池阻雪有懷

楚澤多芳草春風昨夜生空江寒欲凍亂雪洒無聲獨
坐孤舟穩能忘萬里情手持新歲酒空繞落梅行

立春夜宿西充山驛聞雪

獨宿西充館雲霧洒竹闌薄寒生永夜亂響度空山殘
月猶共白春風相與還一枝梅未寄歸夢越巴蠻

立春

沈遘

歲臘孤寒盡仁君愛育鋪吹家臨太簇飲格到酴酥長
進強兒輩衰殘逼壯夫功名非敢望適意只花奴

臘月十九日立春

殘臘尚餘旬芳時報早春歲華雖聿莫氣候已更新視
景怜青髻尋歡趁令辰何須正月旦始是賞春人

立春後寫興

東風五丈高遇早犯櫻桃簇管驚初弄花期又一遭白
春千石稻醲醞十香醪不足杯中聖春晴未易陶

立春日值雨

陳興義

衡陽縣下春日雨遠映青山絲樣斜容易江邊欺客袂
分明沙際濕年華竹林路隔生新水古渡船空集亂鴉
未暇獨憂巾一角西溪當有續開花

立春日雨次日雪

雨馬酣酣夜鼓撾曉庭春
蘚撲龍沙祁祁已沁肌中骨
杲杲實鋪錦上花天庫倒囊膏品物酒壚冷海沃春華
可憐牢落東窓客拂硯孤吟凍筆叉

立春即事

李新


璇杓阻閏律灰遲春入花枝
蝶未知青帝似隨明月至
紫姑爭問一年疑

立春前密雪應制呈范內翰

李新

六出飛霙歲或愆
喜觀瓊礫曉滂然
水官休隸一時慘

木帝已誇舞物妍斗換石田皆沃壤暗催雲稼入豐年
吾君誠禱通旻昊願聽民謠被管絃



歲時雜詠卷四